

azpeitia | plan 2025 | estrategikoa



Azpeitian, apirilaren 29an

- Agurra eta bileraren helburu nagusiak

AURKEZPENA

- Diagnostikoaren emaitza nagusien aurkezpena
- Lehentasunezko eremu nagusien aurkezpena

EKARPENEN BILKETA

- Azpeitiko Plan Estrategikoak barneratu beharko lituzkeen 3 gai nagusiak identifikatzea
- Lehentasunak adostea: goazen etorkizunerako haziak ereitera!

AZPEITIA 2025

Zeintzuk dira gaurko bileraren **helburu nagusiak**?

Azpeitiko arlo sozial eta ekonomikoari buruzko Diagnostikoaren emaitzak aurkeztea

Diagnostikoa ezagututa eta Plan Estrategikoari begira, zuen lehentasunak zeintzuk diren ezagutzea



AZPEITIA 2025 prozesuaren hiru faseak:

- 1 Diagnostiko fasea
- 2 Formulazio Estrategikoa
- 3 Ekintza Planaren formulazioa

1 Diagnostiko fasea

Udalerriko **arlo sozial eta ekonomikoak** jorratzen dituen **diagnostikoa** burutu dugu.

Horretarako:

- Eskuragarri dagoen informazioa jaso eta aztertu dugu.
- Udal eta eskualdeko teknikariek elkarriketak izan ditugu.
- Herritarrekin bilera bat egin dugu.



GARAPEN EKONOMIKOA ETA LAN MERKATUA



- **Azpeitian Industria sektoreak indar handia du**, herrian sortzen den Balio Erantsiaren %55 inguru industriatik dator, lurralde historikoan bigarren sektoreari dagokion BEGa %32ra baino ez da heltzen.
- **Eskualdeko Enplegu Planean etorkizunari begira garapen aukera handiak izan ditzaketen sektore emergenteak identifikatu dira**: 3 adinari zuzenduriko zerbitzuak; Ekoteknologia, teknologia berdea eta jasagarritasun arloko jarduerak; Teknologia berriak eta mundu digitala; Gizarte ekonomia; Ekoizpen aurreratua; Nanozientziak eta material berriak.
- **Iraurgi Lantzen, Ezagutza Gunea eta Loiola Berrikuntza Fundazioa eskualdeko garapen ekonomikoa eta lan merkatuaz arduratzen dira**, sektore eta lan arlo ezberdinak kontuan hartuz.
- **URKOME ere, Urola Kostako landa garapenaren alde lan garrantzitsua egiten ari da** ekimen ugari martxan jarritz



- **Krisiaren eragina oraindik ere nabarmena den arren, langabetu kopuruaren hazkundea apurka apurka motelduz doa** (orain hazkunde tasak duela 3-4 urte baino baxuagoak dira, nahiz eta oraindik ere goranzko joera mantentzen den)
- **Langabeziak ez du arlo guztietan eragin bera izan, bortitzen eragin dien taldeak; gizonezkoena; 25-45 urte bitartekoena, erdi-goï mailako ikasketak dituztenena, gazteena eta aurretiko lan esperientziarik ez dutenena izan dira.**
- **Eraikuntza sektoreak enpleguari dagokionez beste sektoreek baino galera txikiagoa izan duen arren, Azpeitiko industria eta zerbitzu sektoreko enpresa asko eta asko eraikuntza sektorearekin oso lotutako jardueretan aritzen dira eta hauek izan duten galera oso nabaria izan da.**



- **Krisi ekonomikoa hasi zenetik establezimenduen itxiera oso esanguratsua izan da**, guztira 209 establezimendu gutxiago daude 2012 urtean (%14,2ko murrizketa)
- **Ekintzailetzak ere behera egin du krisia hasi zenetik**, 2006-2007 aldian mila biztanleko 8-9 establezimendu berri sortzen ziren, egun erdira jaitsi da kopuru hori.
- **Enpresen itxierarekin batera enpleguak ere beherantz egin du Azpeitian eta 2008 urtetik aurrera enpresetako enplegu galera etengabea izan da** (1.034 enplegu galdu dira, %14,1a). Gipuzkoa bere osotasunean hartuta izan den batez besteko galera baino handiagoa da gainera (-%7,9).
- **Langabezia tasaren igoera etengabea da**, 2007an %5,1eko tasa izatetik 2012an %13,1ekoa izatera pasatu da. Era honetan, aldi osoan zehar Gipuzkoako batez bestekoaren azpitik egon ostean, 2012an Gipuzkoako tasa berdintzera iritsi da Azpeitia

GARAPEN EKONOMIKOA ETA LAN MERKATUA



- Azken urteotan, turismo arloan, arrakasta izan duten hainbat ekimen jarri dira martxan bailarako gainerako udalerriekin elkarlanean (Ignaziotar Lurraldea, 5 Geltoki Historian...)




- Krisia dela medio epe luzeko langabetu kopuruak gora egin badu ere, **Gipuzkoako mailaren azpitik kokatzen da Azpeitia**
- Azpeitiak baliabide turistiko eta erakargarritasun ugari baditu ere, **beharrezkoa da eskualdearen sustapena egin eta bisitariak bertan geratzeko motibatzea**




- **Azpeitian, oro har, tamaina oso txikiko enpresak, familiartekoak asko eta asko, nagusitzen dira,** merkatu oso lokaletan dihardutenak eta dinamismo eta teknologia baxukoak. Guzti hori dela medio enpresa hauek globalizazioaren aurrean egoera ahulean daude eta lehiakortasuna galtzen ari dira.
- Alde Zaharra, elementu erakargarri berezirik gabe, gainbehera etorri da, bizitasuna galdu du eta mugimendu komertziala murriztu egin da nabarmen .

GRAFIKO BATZUK

ESTABLEZIMENDUEN BILAKAERA 2006-2012




ENPLEGUEN BILAKAERA 2006-2012




Iturria: Eustat. Jarduera ekonomikoen bilakaera

BALIO ERANTSI GORDINA SEKTOREKA (2008)



Iturria: Udalmap

LANGABEZIA TASAREN BILAKAERA



Iturria: Urola Erdiko Enplegu Plana

GIZARTE GAIAK ETA BERDINTASUNA



- Azpeitiko jaiotza tasak goranzko joera izan du azken urteetan eta gainera eskualdekoa eta Gipuzkoa mailakoa baino altuagoa da (%12,41)
- **Azpeitiko biztanleria Gipuzkoakoa baino apur bat gaztexeagoa da**, non haur-indize altuagoa eta zahartze indize baxuagoa erregistratzen diren
- Ezintasunak dituzten pertsonen, osasun mentalari eta osasun zerbitzu orokorre dagokienez, baliabideen eskaintza nahiko egokia da Azpeitian
- Azpeitian erakunde ezberdinetatik gizarte zerbitzuetara egiten den ekarpenak hazkunde oso nabarmena izan du azken urteotan
- **Gizarte zerbitzuetatik kolektibo ezberdinentzat hainbat arlotan ekimen arrakastatsu ugari jarri dira martxan** (Esku-hartze psiko-soziala, emankumenganako indarkeriaren aurkako ekimenak -Arreta protokoloa-, Gizarteratze soziolaborala, 3. adina eta ezinduei zuzenduriko zerbitzuak...)




- Azpeitiko biztanleriak azken urteotan joera gorakorra izan du eta azken hamarkadan, %5,6an hazi da; 2002 urtean baino 766 biztanle gehiago daude egun Azpeitian. **Hala ere balarako udalerrietan baino hazkunde txikiagoa izan du.**
- 3. adineko biztanleriari zuzenduriko plaza kopuruak azken urteetan hazkunde nabarmena izan duen arren, hau ez da nahikoa izan egungo eskariari erantzuteko eta **eguneko zentroetako eta erresidentzietako okupazio maila oso altua da**
- Azken urteotan delitu indizeak gora egin badu ere, Gipuzkoak orokorrean agertzen duena baino baxuagoa da
- Gizonezkoen eta emakumezkoen berdintasunari dagokionez, gauzak hobetzen doazen arren; emakumezkoen jarduera tasa Gipuzkoako eta EAEko tasen azpitik kokatzen da Azpeitian; eta euren lan baldintzek gizonezkoenak baino kaxkarragoak izaten jarraitzen dute




- Azpeitian 3 adineko biztanleriari zuzenduriko baliabide eta azpiegiturak ez dira egun dagoen egoerarako egokienak ez filosofia eta ez egitura aldetik
- Ez dago etxebizitza tutelaturik, honek adinekoentzat eta pertsona ezinduentzat dauden aukerak mugatzen ditu.
- **Azken hamarkadan atzerritarren hazkundera etengabea izan da**; Azpeitian 941 atzerritar bizi dira egun, biztanleria osoaren %6,5 osatzen dutenak, duela hamar urte baino 5 aldiz gehiago. **Kolektibo honek oro har baliabide ekonomiko urriagoak izan ohi ditu eta hainbat kasutan integrazio arazoak ere bai**
- Azken urteetan Azpeitian izandako etorkinen hazkundeak eta 2008an sortu zen krisi ekonomikoak, **gizarteko talderik ahulenetan laguntza ekonomikoaren eskaria areagotzea ekarri dute** (Oinarritzko errenta eta GLL-en eskaria izugarri areagotu da).


GRAFIKO BATZUK



Iturria: Udalmaop



Iturria: INE



Iturria: Azpeitiko Udala. Gizarte Zerbitzuetako Saila

KULTURA, EUSKARA, HEZKUNTZA ETA KIROLA



- **Azpeitiko hezkuntza eskaintza nahiko zabala da** eta zentro hauetan matrikulatutako ikasleen kopurua %13,2an hazi da duela hamar urtetik hona
- **Hezkuntza mailarik gehienetan eskaintza nahikoa izan daiteke eskariari erantzuteko** eta gainera Azpeitiko ikastetxeak zenbait mailatan eskualdeko erreferente nagusi dira
- **Azpeitiarren %85 inguru euskaldunak dira.** Urola Kostaldean portzentaje hau ez da %77tik pasatzen eta Gipuzkoan berriz %53an kokatzen da
- **Azpeitiko kultura eta aisialdi ekipamenduen eskaintza nabarmen indartu da** eta kultur eskaintza ekintza desberdin eta orekatuz osatzen da
- Kultur Mahaiaren bidez, kultur dinamika herritarrean ez ezik, udalerriko kultur programazioan eta antolakuntzan ere aktiboki parte hartzen dute elkarteek
- **Azpeitiarrak oso kirolzaleak dira** eta kirol jardunean, oro har, parte hartze maila oso altua izaten da




- Lehen hezkuntzak eta batez ere haur hezkuntzak nabarmen egin dute gora azken hamar urteotan. **Lanbide heziketak aldiz beherakada nabarmena jasan du**
- Hainbat arlotan euskararen erabilera erabat normalizatuta dagoen arren, **badira oraindik hainbat gizarte esparru non oraindik ere euskararen erabilera mugatuagoa den**, hala nola arlo sozio-ekonomikoa eta lan mundua
- Behin behineko irtenbidea eman bazaio ere, Soreasu antzokia amaitu arte herriko kultur eta aisialdi arloko elkarteek ezingo dute espazio amankomun batean integraturik lan egin
- **Kirol baliabideen eskaintza askotarikoa bada ere, ez dago kirol ekipamendu eskaintza bateratu bat egiteko aukerarik**, espazialki bata bestearengandik urrun baitaude; zenbait instalazio gainera zaharkituta geratu dira




- Lanbide Heziketako azpiegiturak ahulak dira, eskaintza mugatua da eta ez dira egungo enpresa sarearen errealitate eta beharretara ondo egokitzen
- **Biztanleriaren hezkuntza maila Azpeitian Gipuzkoan eta EAEn, oro har, dutena baino nabarmen baxuagoa da**
- Kirol arloko egitura eta organoek ez dute plangintza zehatz baten arabera lan egiten, **ez dago Kirol Saileko Planik** eta intuizio eta eskaeren arabera jartzen dira nagusiki ekimenak
- Egun kirol arloan burutzen den lan-jarduna eta ekimen ezberdinak behar bezala aurrera eramateko **giza baliabideak indartzea beharrezkoa izango litzateke**
- Gazte lokalen erabilera, indarra hartzen joan da azken urteetan eta **hauek arauturik ez daudenez arazoak sortzen dira** gazte lokal hauek dauden gune askotan

GRAFIKO BATZUK



Iturria: Eustat. Biztanleria eta etxebizitzaren errolda. 2010



Iturria: Eustat. Biztanleria eta etxebizitzaren errolda. 2006

**ZUEN USTEZ, ZEINTZUK DIRA AZPEITIKO
LEHENTASUNEZKO EREMU NAGUSIAK?**

Banakako lana/gogoeta

(5 min)



Adostasunak lortzeko taldeko lana

(15 min)



Goazen etorkizunerako haziak ereitera!

(20 min)



mila esker zuen arretagatik!

azpeitia | plan 
 2025 | estrategikoa